



摩崖石刻 朱康宁 摄

天柱吟
舒寒冰

我本岳之子，浮生爱癫狂。
青峰为兄弟，飞瀑做华裳。
渴饮花露醉，饥摘星果尝。
受命护山使，骑云巡莽苍。
白首伺天柱，奉召入皖潜。
酒岛遇太白，举觞云水间。
禅溪三祖寺，诗流不二泉。
汉皇开古道，引我拜长天。
疾上振衣岗，松风喘不歇。
高山奔石浪，危岩恐崩裂。
人潜神秘谷，神出天宫缺。
两肋生云羽，意与鹰隼决。
一峰擎宇宙，万古起空无。
迎风长作揖，我来君不孤。
君癫我亦醉，舞影炼丹湖。
回首总关寨，绝壁挂天途。
壮哉古南岳，潜立万山中。
风光吴楚绝，文化古今雄。
我辈亦高咏，莫辜造化功。

西溪漫步
方卫东

梅花又放一天晴，
乍脱冬装十倍轻。
远岫无心收画稿，
流莺绕树弄春声。
旷年情与闲云合，
胜日身随白鹭征。
数里幽幽芭竹路，
晚来萧瑟我偏行。

二月二日与江山
重访白云观

二月二日携杖探，
野梅香径破仙凡。
千年石屋居无主，
一榻清风待老监。
山鸟似能通俚语，
道袍原本是青衫。
摩挲古字低眉久，
收拾残篇入枕函。

访天柱梅园
陈友云

文朋携手探梅红，

缕缕馨香逐惠风。
疏影依山织霞锦，
芳姿流韵伴霄鸿。
只将傲骨许天柱，
乐把冰心献桀雄。
胜境徘徊不知返，
爱怜花事总相同。

春游山谷流泉

绿满松山举目新，
雾中清影往来频。
莺声圆滑欣萦耳，
花色鲜妍欲照人。
游衍幽林惊蝶梦，
摩挲石刻辨诗神。
浣亭闲坐闻钟磬，
曲水流觞亦洗尘。

天柱赞
杨华封

擎天一柱脱尘埃，
皖国奇峰瑞气开。
萝径石阶连紫阙，
佛音仙韵接琼台。
四时松月频频咏，
千里宾朋款款来。
汉武禅封添羽翼，
潜阳今日喜称怀！

春游山谷流泉

条风拂面仲春天，
结友寻芳览景妍。
山谷涧中溪漱玉，
舒公亭外柳堆烟。
花香馥郁迷松径，
鸟语啁啾入管弦。
漫步小桥闻暮鼓，
尘劳抛却亦神仙。

天柱之春
郑炎贵

东风次第醒岩眠，
高下春晖有变迁。
岭麓菜花蜂蝶闹，
山头兰草色香妍。
落红入水霞光亮，
摇翠满林波浪旋。
岚气漫云遮谷口，
柱峰颜值看擎天！

天柱吟

天柱峰

远观群堡冒尖巅，
登临对面柱擎天。
嶙峋石体铮铮骨，
荡漾山风奕奕仙。
东望苍龙此腾首，
西看长剑正倚肩。
一峰列岫高标出，
岁浴春阳我独先。

天柱春光
刘盛文

草长莺飞绿蔓枝，
观光赏景正当时。
春风扑面精神爽，
胜日宜行惬意痴。
信步寻幽穿洞府，
潜身涉险探瑶池。
花香鸟语晴空下，
天柱人文入画诗。

同 题

山谷流泉卧一牛，
千年未动享清幽。
天蓝水碧禅音袅，
暮鼓晨钟佛理修。
雅客凝神观石刻，
樵夫涉险立崖头。
潜阳十景多居此，
对面吴塘映绿洲。

春节登峰
王书坤

今日追光非一般，
云天昼景叠山前。
遥思汉武岳来拱，
当信唐皇鹿引牵。
冷暖幽明千仞过，
雄强奇崛万峰旋。
倚关长啸振声远，
送旧迎新乐自然。

潜水春早

大河湿地着春晴，
桃李争先正冠名。
莺鹊闹枝生意动，
鸥鸦戏水没身倾。
风悠波绿柳相送，
光暖菜黄蜂作迎。
廊外云斜山映日，
振衣摘罩且徐行。

题万涧仙女晒鞋石
陈尚敬

仙女晒鞋忘未收，
情生万涧景羁留。
疑猜已是凡心动，
故把闺妆示外头。

天柱春光

天柱寻幽临胜日，
流泉十里弹琴瑟。
层峦入眼范皴图，

古舍出尘苏子笔。
骋步登高踏彩虹，
抒情眺远惊峰率。
也曾四海访名山，
除却龙潭无处匹。

咏梅城
华红武

梅借东风着意裁，
舒州气象画图开。
雪湖鸿启千秋业，
乔邸新翻百景台。
天柱峰高仁者寿，
皖河水满道之财。
太平塔上铃声远，
正报宾朋四海来。

春游桃园

胜日呼朋拟野游，
桃园自是趣林幽。
一泓远水暖心至，
十里晴岚望眼收。
小蕾枝头春竞放，
新条叶面色还羞。
东风直染山河醉，
时送莺梭妙啭喉。

梅园雅集
唐北海

盛会聚南岳，壮游欣忝陪。
文心梅萼动，诗意冷香催。
霁色偏怜影，春光不待雷。
一枝思遍寄，胜地广栽培。

题雄关烟云图

走马岗东残石墙，
当年结寨抗强梁。
军声似海连诸夏，

战气如云掩八荒。
刁斗旌旗终破落，
狼烟虎将尽消亡。
戍楼炮塔今犹在，
千古雄关说大王。

望天柱山
徐子清

是日晴方好，流霞浣碧空。
萦廊欢鸟语，拂面醉仙风。
柱立云霄外，泉鸣石涧中。
芸芸天地客，感此意无穷。

闲饮天柱山茶

山中何所有？敬尔一杯茶。
袅袅生烟雾，悠悠落蕊花。
清香弦月吐，秀色剑毫赊。
尝尽人间味，浮沉不足夸。

天柱峰
刘结根

舒州胜境共疏慵，
山意悠闲未定踪。
自在烟云诗景阔，
空灵木石道情浓。
丹霞玉镜曾栖凤，
洞府仙桥更卧龙。
混沌初开犹翹楚，
擎天一柱立高峰。

天柱松

独向峰南峭壁中，
飞云扫雪笑清风。
纷华尽洗烟光翠，
寂静还将气势雄。
身覆龙鳞携日月，
叶生马尾扫苍穹。
凭谁可立千年久，
我自悠然不老翁。



梅与春天 金键 摄